



*Jumat, 04 Oktober 2024*

**Ogen : Sakaria 12:1-9**



**Ringan Alu Mejuah-juah**



Mejuah-juah", belas-belas si mekatep si ibelasken tupung jumpa ras teman entah sangkep geluh, benaken ranan i bas acara-cara perpulungen, bage pe i bas bengket ku bas rumah sekalak ras sidebanna. Kata mejuah-juah mereken erti si cukup mbages, lit i je kesangapen, kinibayaken, tuah si maba kinimalemen ate bage pe keriahen. Kinijuah-juahen e jadi sada arapen dingen perayaken geluh.

I bas ogenta nuriken kerna teptep kalak si lit i babo doni enda. Permakan e me kinata kegeluhen bangsa Israel denggo entah nandangi reh. Lit piga-piga anding-andingen si nandangi jadi man Jerusalem e me desken segelas anggur. Melala kalak mesikel nginemsa, erbahanca kalak singinems a e mabuk. Ngatakenca maka bangsa Israel e ikuasai kalak sideban, janah mabuk me kalak singinems a e. Kenca si e lit ka paksana Israel e desken batu si mberat, e maka kerina kalak si ncubaken ngangkata aminna pe pekeri gegeh suin. Ertina maka lit sada proses siibahan Dibata nandangi bangsa enda. Benaken ikuasai kalak sideban, janah kalak siengkuasaisa e dungna ibahan Dibata rate mesui sabap ibereken Dibata megegeh man bangsaNa sierbahanca bangsa si engkuasaisa ndube rate mesui erkiteken iperangi bangsa e desken api si gurlah man bangsa sideban, janah lawes nadingken Israel. Kedungena penduduk kuta Jerusalem ringan mejuah-juah, ndatken kedamen, kemalemen ate, ngeluh sempabu.

Tangkas maka kinijuah-juahen e pemere si rehna bas Dibata nari kap. Aminna pe lit proses si man alanken, subuk perbeben sierbahanca si e kerina jadi sada kecibal si maba kinijuah-juahen. Senina moria, uga gia kinata kegeluhenta, dalanilah ras Dibata. I ulu kedamen, Ia ulu kejuah-juahen.